



Broj: 01-187/14
Vareš, 31.07. 2014. godine

Z A P I S N I K
s 20. sjednice Općinskog vijeća Vareš,
održane 23.06. 2014. godine

Zdravko Marošević – predsjedavajući Općinskog vijeća Vareš, otvorio je 20. sjednicu s početkom u 16,00 sati, u velikoj sali Općine Vareš.

Predsjedavajući OV izvjestio je Vijeće da iz opravdanih razloga, današnjoj sjednici OV, neće prisustvovati Općinski načelnik Kovačević Avdija i predsjednik Kluba SDA Kenan Kamenjaš. Gosp. Ermin Musa pomoćnik načelnika za prostorno uređenje i obnovu, prisutan je na sjednici OV u ime i po ovlaštenju Općinskog načelnika.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Zdravko Barkić, Mahira Brkić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Demo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Jasmin Salketić, Goran Selak i Nikola Šimić.

Odsutni: Kenan Kamenjaš.

Pored vijećnika sjednici prisustvuju: sekretar Općinskog vijeća – gosp. Leon Pavlović, pomoćnici općinskog načelnika, predsjednici političkih stranaka, poslanik u Skupštini ZDK – gosp. Fahrudin Brkić, ispred JU Centar za socijalni rad Vareš – direktorica gosp. Nihada Gondžo i predsjednik UO – gosp. Mario Mirčić, ispred JU Opća biblioteka Vareš – direktorica gosp. Jasmina Šijak i član UO – gosp. Jadranka Radoš i ispred JPU Dječije obdanište - direktorica gosp. Darija Kuhar.

Sekretar OV Leon Pavlović izvjestio je Vijeće o realizaciji Zaključaka sa 19. sjednice OV održane 29.05.2014. godine. Na 19. sjednici OV nije bilo zaključaka. Postavljeno je deset (10) vijećničkih pitanja. Na sedam (7) pitanja nadležni su dostavili odgovore podnosiocima vijećničkih pitanja, a na tri (3) postavljena pitanja Stručna služba OV nije dobila odgovore.

Pomoćnik načelnika gosp. Ermin Musa, koji zastupa Općinskog načelnika, u okviru aktualne problematike na području općine Vareš za današnju sjednicu nije imao obraćanje.

(Vijećnička pitanja)

Mahira Brkić izjavila je da nije dobila odgovore na dva postavljena vijećnička pitanja na 19. sjednici OV. Pitanja su bila upućena Jedinstvenom općinskom organu i zahtjeva odgovor - Zašto nije dobila odgovore na postavljena vijećnička pitanja?

Elvir Rožajac

Sugeriše svim nadležnim da se ubrza postupak sanacije ambulante u MZ Ravne.

1. Pitanje vezano za autoprevozničku firmu „Ljaljić-Turs“. – Zašto za mjesne zajednice, tamo gdje su uzeli linije, nema seoskih autobusa? O postavljenom pitanju dao je pojašnjenje. Odgovor traži od nadležnih iz organa uprave Općine Vareš.

Tajiba Brkić

2. Traži od nadležnih da se ubrza sanacija ambulante u MZ Ravne, kako bi se stekli uslovi za adekvatan rad?

Predsjedavajući OV stavio je na raspravu Zapisnik sa 19. sjednice OV.

Nije bilo primjedbi i predsjedavajući OV stavio je na izjašnjanje Zapisnik sa 19. sjednice OV, te nakon izjašnjanja vijećnika konstatuje da je **Zapisnik sa 19. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 20. sjednicu koji je usaglašen na Kolegiju OV.

Nije bilo primjedbi i predsjedavajući OV stavio je na izjašnjanje prijedlog dnevnog reda za 20. sjednicu OV, te nakon izjašnjanja vijećnika konstatuje da je **jednoglasno usvojen s l i j e d e ć i**

D n e v n i r e d

1. **Razmatranje Izvještaja o štetama nastalim na objektima u općoj upotrebi (putna i komunalna infrastruktura i sl.) sa programom sanacije šteta nastalih tokom elementarne nepogode na objektima u općoj upotrebi, sa Prijedlogom Zaključka o usvajanju.**
2. **Izvještaj o radu JU Centar za socijalni rad Vareš za 2013. godinu**
3. **Izvještaj o radu JU Opća biblioteka Vareš za 2013. godinu**
4. **Izvještaj o radu JPU „Dječiji vrtić“ Vareš za 2013. godinu**
5. **Prijedlog Programa obilježavanja Dana općine Vareš**
6. **Prijedlog Zaključka o davanju saglasnosti za deponovanje kućnog smeća.**

- 7. Informacija o ostvarivanju potreba stanovništva u oblasti socijalne zaštite na području općine Vareš.**
- 8. Informacija o stanju imovinsko-pravnih odnosa sa podacima i o stanju građevinskog zemljišta na području općine Vareš**
- 9. Prijedlog Odluke o izmjeni Odluke o izboru stalnih radnih tijela Općinskog vijeća Vareš.**
- 10. Prijedlog Rješenja o izmjeni Rješenja o izboru članova Komisije za izbor i imenovanja.**
- 11. Tekuća pitanja.**

Ad. 1.

(Razmatranje Izvještaja o štetama nastalim na objektima u općoj upotrebi (putna i komunalna infrastruktura i sl.) sa Programom sanacije šteta nastalih tokom elementarne nepogode na objektima u općoj upotrebi, sa Prijedlogom Zaključka o usvajanju.)

Ispred predlagača pomoćnik načelnika Ermin Musa dao je dodatno pojašnjenje za ovu tačku dnevnog reda. Izvještaj je sačinila Radna grupa koja je imenovana od strane Općinskog načelnika. Kao predsjednik Radne grupe Ermin Musa upoznao je prisutne o sprovedenim aktivnostima na izradi ovog Izvještaja, te izjavio da će Izvještaj Radne grupe biti sastavni dio Izvještaja komisije za procjenu šteta koji će razmatrati Vijeće i u kome će biti otklonjeni svi eventualni nedostaci.

Otvorena je rasprava u kojoj su svoje primjedbe, sugestije, stavove i mišljenja iznijeli vijećnici: Elvir Rožajac, Safeta Muftić, Jasmin Salketić, Mario Mirčić, Emir Islamović, Đemo Kevrić, Zdravko Barkić, Ismet Abdulahović, Zdenko Franjić, Boško Andrić, Nikola Šimić i predsjedavajući OV Zdravko Marošević koji je prisutne upoznao da je na Kolegiju OV Općinski načelnik dao pojašnjenje u kome je naglasio da je zakonska obaveza da se nadležnim u Kantonu dostavi preliminarni Izvještaj o nastalim štetama na dalje postupanje i da je iz tog razloga, Vijeću isti dostavljen na razmatranje.

U raspravi su vijećnici skrenuli pažnju da u Izvještaju nedostaju određeni podaci, odnosno da nisu evidentirane sve štete koje su nastale usljed elementarne nepogode na području općine Vareš kao i to da u Izvještaju treba uraditi sistematizaciju prioriteta sanacije i izvore finansiranja, kao i klasifikaciju uzroka zbog kojih je nastala šteta.

Zaključena je rasprava i predsjedavajući OV stavio je na izjašnjavaње Izvještaj o štetama nastalim na objektima u općoj upotrebi (putna i komunalna infrastruktura i sl.) sa programom sanacije šteta nastalih tokom elementarne nepogode na objektima u općoj upotrebi, sa Prijedlogom Zaključka o usvajanju uz slijedeći

Zaključak:

- **Zadužuju se nadležni da za narednu sjednicu Vijeća pripreme dopunu Izvještaja o nastalim štetama na području općine Vareš sa što više podataka o nastalim štetama na području općine Vareš.**

Nakon izjašnjavaња vijećnika predsjedavajući OV konstatuje da je sa **15 glasova „ZA“, 1 glasom „PROTIV“ i 2 „SUZDRŽANA“ glasa usvojen predloženi Zaključak i**

Zaključak

- **Usvaja se Izvještaj o štetama nastalim na objektima u općoj upotrebi (putna i komunalna infrastruktura i sl.) sa programom sanacije šteta nastalih tokom elementarne**

nepogode na objektima u općoj upotrebi i čini sastavni dio ovog Zaključka.

- Za realizaciju ovog Zaključka zadužuje se Općinski načelnik, Služba za civilnu zaštitu i općinska Komisija za procjenu šteta.

- Ovaj Zaključak stupa na snagu danom donošenja.

Ad.2.

(Izveštaj o radu JU Centar za socijalni rad Vareš za 2013. godinu.)

Otvorena je rasprava u kojoj su učestvovali vijećnici: Elvir Rožajac, Safeta Muftić, Đemo Kevrić, Mario Mirčić, Zdravko Barkić, Emir Islamović, pomoćnik načelnika Rusmir Berberović, predsjedavajući OV Zdravko Marošević i sekretar OV Leon Pavlović koji je dao odgovor na postavljeno pitanje u raspravi od strane vijećnika Đeme Kevrić koje se odnosi na angažman vijećnika u upravnim odborima Javnih ustanova.

Za riječ se javila direktorica JU Centar za socijalni rad Vareš gosp. Nihada Gondžo koja je u svom obraćanju dala dodatna pojašnjenja i odgovore na postavljena pitanja vijećnika u raspravi i iznesene sugestije. U vezi obilaska mjesnih zajednica izjavila je da je to stalan posao Centra ali da postoje određene poteškoće, jer ustanova nema vlastiti prevoz. Dala je pojašnjenje u vezi ostvarivanja prava iz oblasti socijalne zaštite, angažovanju staratelja, broju zaposlenih i njihove obaveze, izradi socijalne karte stanovništva općine, isplati jednokratne novčane pomoći i sl.

Zaključena je rasprava i predsjedavajući OV stavio je na izjašnjavanje Izveštaj o radu JU Centar za socijalni rada Vareš za 2013. godinu.

Nakon izjašnjavanja vijećnika predsjedavajući OV konstatuje da je **jednoglasno usvojen**

Izveštaj o radu JU Centar za socijalni rad Vareš za 2013. godinu.

Ad. 3.

(Izveštaj o radu JU Opća biblioteka Vareš za 2013. godinu.)

Direktorica JU Opća biblioteka Vareš gosp. Jasmina Šijak u svom obraćanju dala je pojašnjenje za ovu tačku dnevnog reda koje se odnosi na određene stavke u završnom finansijskom računu.

Otvorena je rasprava u kojoj su učestvovali vijećnici: Jasmin Salketić, Safeta Muftić i Elvir Rožajac.

Zaključena je rasprava i predsjedavajući OV stavio je na izjašnjavanje Izveštaj o radu JU Opća biblioteka Vareš za 2013. godinu.

Nakon izjašnjavanja vijećnika predsjedavajući OV konstatuje da je **jednoglasno usvojen**

Izveštaj o radu JU Opća biblioteka Vareš za 2013. godinu.

Ad. 4.

(Izveštaj o radu JPU „Dječiji vrtić“ Vareš za 2013. godinu.)

Otvorena je rasprava u kojoj su svoje primjedbe, sugestije, pitanja i mišljenja iznijeli vijećnici: Safeta Muftić, Mario Mirčić, Boško Andrić, Tajiba Brkić, Zdravko Barkić, Ismet Abdulahović, pomoćnik načelnika Rusmir Berberović i predsjedavajući OV Zdravko Marošević.

Za riječ se javila direktorica JPU „Dječiji vrtić“ Vareš gosp. Darija Kuhar koja je u svom obraćanju dala dodatna pojašnjenja i odgovore na postavljena pitanja vijećnika u raspravi. Pitanja su se odnosila na kadrovsku strukturu i broj uposlenih u ustanovi kao i načinu zapošljavanja radnika, te dužnostima osnivača Općine Vareš o raspisivanju javnog oglasa za prijem u radni odnos. Odgovorila je na pitanje koje se odnosi na broj djece u obdaništu i razlozima zbog kojih taj broj oscilira. Također je Vijeću dala neka dodatna pojašnjenja vezana za podatke u finasijskom dijelu Izvještaja.

Zaključena je rasprava i predsjedavajući OV stavio je na izjašnjavanje Izvještaj o radu JPU „Dječiji vrtić“ Vareš za 2013. godinu.

Nakon izjašnjavanja vijećnika predsjedavajući OV konstatuje da je **jednoglasno usvojen**

Izvještaj o radu JPU „Dječiji vrtić“ Vareš za 2013. godinu.

Predsjedavajući OV dao je pauzu u trajanju od 20 minuta.

Nastavljeno je sa radom sjednice OV.

Ad. 5.

(Prijedlog Programa obilježavanja Dana općine Vareš.)

Otvorena je rasprava u kojoj su učestvovali vijećnici Mario Mirčić koji je uputio sugestiju da se prijedlozi za kandidate za dodjelu općinskih priznanja, nadležnim dostave blagovremeno, Mahira Brkić koja je sugerisala da se za obilježavanje Dana općine Vareš, ove godine ne troše velika finansijska sredstva. U daljoj raspravi su učestvovali predsjedavajući OV Zdravko Marošević i pomoćnik načelnika Rusmir Berberović koji je ispred predlagача dao dodatna pojašnjenja za ovu tačku dnevnog reda.

Zaključena je rasprava i predsjedavajući OV stavio je na izjašnjavanje Prijedlog Programa obilježavanja Dana općine Vareš.

Nakon izjašnjavanja vijećnika predsjedavajući OV konstatuje da je **jednoglasno usvojen**

Program obilježavanja Dana općine Vareš.

Ad.6.

(Prijedlog Zaključka o davanju saglasnosti za deponovanje kućnog smeća.)

Predsjedavajući OV napomenuo je Vijeće da se ova tačka odnosi na produženje saglasnosti za deponovanje kućnog smeća sa područja općine Breza na gradsku deponiju „Kota“. Na traženje Kolegija OV, Vijeću je prije početka današnje sjednice, dostavljena informacija sa finansijskim pokazateljima o realizaciji i provedbi ugovora koji se odnosi na angažovanje vozila za odvoz smeća u proteklih šest mjeseci.

Otvorena je rasprava u kojoj su svoje primjedbe, mišljenja i stavove iznijeli vijećnici: Mahira Brkić izjavila je da Klub SBB neće podržati ovu tačku dnevnog reda o čemu je dala i pojašnjenje. Smatra da je finansijski izvještaj koji je Vijeću dostavljen prije početka sjednice štur sa nedovoljno podataka. Podsjetila je na tačku 4. Zaključka broj: 01-35/13 od 29.01.2013. godine, u kojoj su definisani rokovi za dostavu finansijskih elemenata realizacije ugovora.

Safeta Muftić u svom obraćanju skrenula je pažnju na problem u naselju Pruga i Selište koji se odnosi na pojavu insekata u ljetnom periodu zbog blizine deponije „Kota“.

Elvir Rožajac u svom obraćanju izjavio je da neće podržati ovu tačku dnevnog reda o čemu je dao pojašnjenje.

Boško Andrić u svom obraćanju izjavio je da HSP neće podržati ovu tačku o čemu je dao pojašnjenje u kome je Vijeće podsjetio na određene dokumente koje je usvojilo OV, a odnose se na rješavanje problema deponovanja smeća i uređenja gradske deponije (LEAP, Plan upravljanja otpadom općine Vareš 2014-2019. i sl).

Demo Kevrić u svom obraćanju izjavio je da Klub BPS neće podržati ovu tačku dnevnog reda o čemu je dao i pojašnjenje u kome je skrenuo pažnju na tačku. 5. Zaključka koji se odnosi na nadzor i sprovođenje Zaključka o davanju saglasnosti za deponovanje kućnog smeća. Za nadzor je zadužen komunalno –građevinski inspektor i u vezi s tim zatražio je da Izvještaj koji Vijeću podnosi komunalno-građevinski sadrži što više podataka koji se odnose na ovu tematiku.

Predsjedavajući OV Zdravko Marošević zamolio je vijećnike da se u diskusijama, zbog javnosti, ne navode krivi navodi. Podsjetio je prisutne da Općina Breza u svom Zahtjevu traži suglasnost za deponovanje smeća na period od tri godine, te da je na osnovu tog zahtjeva, Vijeću ponuđen na razmatranje i usvajanje Zaključak kojim se daje suglasnost na period od šest mjeseci.

Ismet Abdulahović u svom obraćanju sugerisao je da Vijeće prilikom razmatranja i donošenja suglasnosti treba biti upoznato i sa određenim podacima, odnosno sa Ugovorom o planiranim sredstvima, te da se dio ostvarenih sredstava treba uložiti u sanaciju gradske deponije. Zamolio je Vijeće da u slučaju usvajanja ove tačke dnevnog reda, nadležni upute dopis Kantonalnoj sanitarnoj inspekciji da utvrdi gdje firma „Perutnina Ptuj“ iz Breze odlaže otpad. Također je zamolio poslanika u Skupštini ZDK gosp. Fahrudina Brkića da isto pitanje postavi na Skupštini ZDK.

U daljoj raspravi su učestvovali vijećnica Safeta Muftić koja je ponovo skrenula pažnju na probleme koji se odnose na pojavu insekata i neugodan miris sa deponije „Kota“ i predsjedavajući OV koji je sugerisao da bi tom pitanju, nadležni trebali uraditi stručnu analizu kako bi se dobili određeni podaci, a kad je u pitanju otpad firme „Perutnina Ptuj“ izjavio je da se nadležnim u Kantonu može uputiti dopis da se utvrdi gdje spomenuta firma odlaže svoj otpad kao što je to urađeno i prošle godine.

Za riječ se javio pomoćnik načelnika Ermin Musa koji je u svom obraćanju upoznao prisutne da je na osnovu Zaključka o davanju saglasnosti za deponovanje kućnog smeća broj: 01-35/13

od 29.01.2013. godine, 18.12.2013. godine potpisan Ugovor o odvozu smeća i da je isti istekao 18.06.2014. godine, te da se od tog datuma više ne dovozi kućno smeće sa općine Breza na deponiju „Kota“, i da se animalni otpad iz „Perutnine“ ne dovozi na deponiju „Kota“. Također je prisutne upoznao sa odredbom u Ugovoru o odvozu smeća, kojom je definisan iznos naknade za odvoz smeća (400 KM + PDV po jednom dovozu otpada).

U daljoj diskusiji su učestvovali vijećnici Elvir Rožajac, Đemo Kevrić, Ismet Abdulahović i predsjedavajući OV Zdravko Marošević.

Vijećnik Zdravko Barkić javio se za riječ i u svom izlaganju izjavio da se slaže sa diskusijom da nema dovoljno informacija i podataka u Izvještaju koji je dostavljen od strane JKP d.o.o. Vareš, koliko je otpada dovučeno sa područja općine Breza i pokojoj cijeni, kao i da nedostaje izvještaj komunalno - građevinskog inspektora. Izjavio je da će Klub SDP biti suzdržan prilikom izjašnjavanja po ovoj tački dnevnog reda o čemu je dao pojašnjenje. U daljoj diskusiji su učestvovali predsjedavajući OV Zdravko Marošević i vijećnici Mahira Brkić, Zdravko Barkić, Safeta Muftić i Boško Andrić.

Predsjedavajući OV dao je pauzu u trajanju od pet minuta.
Nastavljeno je sa radom sjednice.

Za riječ se javio vijećnik Boško Andrić koji je predložio da se izjašnjavanje po ovoj tački dnevnog reda odgodi za narednu sjednicu i da se predlagač detaljnije pripremi na temelju svih današnjih diskusija vijećnika.

Vijećnik Mario Mirčić izjavio je da podržava prijedlog vijećnika Boška Andrić te sugerisao na dostavljanju izvještaja od strane komunalno-građevinskog inspektora sa svim potrebnim i traženim podacima.

Vijećnik Ismet Abdulahović izjavio je da se po ovoj tački vodila rasprava i traži da se postupi po Poslovniku o radu OV i da se Vijeće izjasni po istoj na današnjoj sjednici.

Predsjedavajući OV je podsjetio prisutne i upoznao javnost sa članom 83. stav 3. Poslovnika o radu OV koji glasi: „*Općinsko vijeće može odlučivati da se glasanje tj. izjašnjavanje o aktu odloži za narednu sjednicu OV*“, te konstatovao da je u skladu sa Poslovníkom o radu OV da se može odgoditi izjašnjavanje po ovoj tački dnevnog reda za narednu sjednicu.

Vijećnik Emir Islamović izjavio je da Klub vijećnika SDA podržava predloženi prijedlog vijećnika Boška Andrić.

Vijećnica Mahira Brkić dala je komentar na prijedlog vijećnika Boška Andrić, te izjavila da Klub SBB neće podržati njegov prijedlog i zatražila da se Vijeće po ovoj tački dnevnog reda izjašnjava na današnjoj sjednici.

Vijećnik Elvir Rožajac traži da se po ovoj tački dnevnog reda Vijeće izjašnjava pojedinačno na današnjoj sjednici OV.

Nije više bilo učesnika u raspravi i predsjedavajući OV stavio je na izjašnjavanje predloženi Zaključak vijećnika Boška Andrića:

- **Odgada se izjašnjavanje za narednu sjednicu Vijeća za tačku 6. „Prijedlog Zaključka o davanju saglasnosti za deponovanje kućnog smeća“, s tim da ovlašteni predlagač i nadležni (komunalno-građevinski inspektor, JKP d.o.o.**

Vareš), pripreme i Vijeću dostave za narednu sjednicu detaljnu informaciju na osnovu diskusije vijećnika po ovoj tački dnevnog reda.

Nakon izjašnjavanja vijećnika predsjedavajući OV izvijestio je Vijeće o rezultatima glasanja: **10 glasova „ZA“, 5 glasova „PROTIV“ i 3 „SUZDRŽANA“.**

Na traženje vijećnika stranke „Naša stranka“ Elvira Rožajac, predsjedavajući OV stavio je na pojedinačno izjašnjavanje prijedlog vijećnika Boška Andrić. Sekretar OV izvršio je pojedinačnu prozivku.

Rezultati glasanja:

- | | |
|--------------------------------|-----------------------------|
| 1. Ismet Abdulahović – protiv, | 10. Demo Kevrić – protiv, |
| 2. Boško Andrić – za, | 11. Zdravko Marošević – za, |
| 3. Zdravko Barkić – suzdržan, | 12. Mario Mirčić – za, |
| 4. Mahira Brkić – protiv, | 13. Safeta Muftić, protiv, |
| 5. Tajiba Brkić - za | 14. Mato Pavić – za, |
| 6. Asmir Čizmo – za, | 15. Elvir Rožajac, protiv, |
| 7. Zdenko Franjić – suzdržan, | 16. Jasmin Salketić – za, |
| 8. Osman Ibrišimović – za, | 17. Goran Selak –suzdržan i |
| 9. Emir Islamović – za, | 18. Nikola Šimić – za. |

I nakon pojedinačnog izjašnjavanja vijećnika predsjedavajući OV upoznao je Vijeće sa rezultatima glasanja (**10 glasova „ZA“, 5 glasova „PROTIV“ i 3 „SUZDRŽANA“ glasa**) i konstatovao da je **usvojen predloženi Zaključak.**

Ad. 7.

(Informacija o ostvarivanju potreba stanovništva u oblasti socijalne zaštite na području općine Vareš.)

Otvorena je rasprava u kojoj su učestvovali i iznijeli svoje mišljenje i stavove vijećnici Elvir Rožajac i Zdravko Barkić.

Nije više bilo učesnika u raspravi i predsjedavajući OV je konstatovao da je **Vijeće primilo k znanju**

Informaciju o ostvarivanju potreba stanovništva u oblasti socijalne zaštite na području općine Vareš.

Ad.8.

(Informacija o stanju imovinsko-pravnih odnosa sa podacima i o stanju građevinskog zemljišta na području općine Vareš.)

U raspravi je učestvovao vijećnik Mario Mirčić koji je sugerisao i podsjetio predlagača da u MZ Pržići postoji imovinsko-pravni spor u vezi dijela lokalnog puta, te da je isti potrebno što prije riješiti.

Nije više bilo učesnika u raspravi i predsjedavajući OV je konstatovao da je **Vijeće primilo k znanju**

Informaciju o stanju imovinsko-pravnih odnosa sa podacima i o stanju građevinskog zemljišta na području općine Vareš.

Ad. 9.

(Prijedlog Odluke o izmjeni Odluke o izboru stalnih radnih tijela Općinskog vijeća Vareš.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izmjeni Odluke o izboru stalnih radnih tijela Općinskog vijeća Vareš.

Nakon izjašnjavanja vijećnika predsjedavajući OV konstatuje da je **jednoglasno usvojena**

Odluka o izmjeni Odluke o stalnim radnim tijelima Općinskog vijeća Vareš.

Ad. 10.

(Prijedlog Rješenja o izmjeni Rješenja o izboru članova Komisije za izbor i imenovanja.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o izmjeni Rješenja o izboru članova Komisije za izbor i imenovanja.

Nakon izjašnjavanja vijećnika predsjedavajući OV konstatuje da je **jednoglasno usvojeno**

Rješenje o izmjeni Rješenja o izboru članova Komisije za izbor i imenovanja.

Ad. 11.

(Tekuća pitanja.)

1. Predsjedavajući OV upoznao je Vijeće sa Zahtjevom grupe građana MZ Vareš za rješavanje uzroka klizišta u ulici Pruga kod broja 28. Uz zahtjev dostavljen je i spisak građana sa potpisima.

Predsjedavajući OV podsjetio je prisutne i nadležnu Službu na raspravu pod tačkom 1. ove sjednice koja se odnosila na potrebu da nadležna Komisija obiđe sva mjesta i evidentira sve štete koju su nastale uslijed elementarne nepogode, prikupi što više podataka kako bi se pristupilo rješavanju sanacije i otklanjanju šteta. Napomenuo je i klizište u Ljepovićima iznad kuća Matičevića. Konstatovao da je sa problemom navedenim u Zahtjevu upoznat Općinski načelnik i nadležna Služba uprave.

2. Vijećnica Mahira Brkić u svom obraćanju podsjetila je prisutne da je pod tačkom „Vijećnička pitanja „ od Izvršne vlasti tražila odgovor zašto nije dobila odgovore na postavljena dva vijećnička pitanja na prošloj sjednici OV, te zatražila od gosp. Ermina Muse kao predstavnika Izvršne vlasti da joj odgovori na isto.

Pomoćnik načelnika Ermin Musa, koji zastupa Općinskog načelnika na današnjoj sjednici, izjavio je da postavljena pitanja nisu u nadležnosti njegove Službe i da će izvjestiti Općinskog načelnika da zaduži nadležnu Službu da odgovore na postavljena pitanja dostave za narednu sjednicu OV.

Vijećnica Mahira Brkić podsjetila je na odredbe Statuta po kojima je rok za dostavu odgovora 30 dana.

3. Vijećnik Nikola Šimić traži i insistira da nadležni u organu uprave, upute dopis Kantonalnoj Direkciji za ceste u vezi ljetnog održavanja regionalnih cesta (dionica od Vareša do Kraljeve Sutjeske, napominje da nije vršeno čišćenje kanala, rigola i sl.) kao i nastavku održavanja lokalnih cesta na području općine Vareš.
4. Vijećnik Đemo Kevrić napomenuo je prisutnim da je na postavljena dva vijećnička pitanja na prošloj sjednici od nadležnih dobio samo jedan odgovor, te izjavio da se slaže sa diskusijom vijećnice Mahire Brkić u vezi dostavljanja odgovora na vijećnička pitanja. Podsjetio je na svoje ranije diskusije na sjednicama OV koje se odnose na ljetno održavanje lokalnih cesta, te dao komentar na rezultate glasova po kojima je Vijeće usvojilo pojedine Odluke.

Predsjedavajući OV u svoje lično ime i u ime Općinskog vijeća, svim građanima islamske vjeroispovijedi čestitao je predstojeći mjesec Ramazan i Ramazanski Bajram.

Sastavni dio ovog Zapisnika je audio zapis sjednice.

Sjednica je završena u 20,30 sati.

SEKRETAR

Leon Pavlović

ZAPISNIČAR

Azra Ibrahimović

PREDSJEDAVALJUĆI

Zdravko Marošević